



Persatuan Pengguna Pulau Pinang
Consumers Association of Penang
檳城消費人協會 பினாங்கு பயனீட்டாளர் சங்கம்

10 Jalan Masjid Negeri, 11600 Pulau Pinang, Malaysia
Tel: 604-8299511 Fax: 604-8298109
email: consumerofpenang@gmail.com

Website: (English, BM, Chinese & Tamil)
<https://consumer.org.my>

facebook.com/ConsumerAssociationPenang
twitter.com/consumer_penang
instagram.com/consumer_penang

Kenyataan Media

3 September 2026

Tebing Sungai Repoh Runtuh Perlu Ditangani Segera : CAP

Persatuan Pengguna-Pengguna Pulau Pinang (CAP) menggesa kerajaan Perlis, Majlis Perbandaran Kangar (MPK) dan Jabatan Pengairan dan Saliran (JPS) menjalankan siasatan dan mengambil tindakan bagi mengatasi masalah tebing Sungai Repoh berhampiran Pasar Besar Kangar yang runtuh dan membahayakan pengguna jalan di kawasan tersebut.

Dalam tinjauan yang dibuat CAP mendapati kejadian yang melibatkan tebing sungai sepanjang 50meter itu telah menyebabkan jalan yang menjadi laluan orang ramai ke pasar berkenaan rosak dan berlopak. Masalah ini sudah lama berlaku dan sekarang tanah diletakkan berkenaan semakin teruk mengalami keruntuhan dan mendapan.

CAP kesal walau pun kejadian ini sudah lama berlaku namun hingga sekarang tidak ada tindakan yang diambil bagi mengatasinya. CAP bimbang jika keadaan itu dibiarkan berlarutan bukan saja kesan keruntuhan dan mendapan tanah di sini akan merebak dan menjadi bertambah serius tetapi juga boleh menjejaskan keselamatan orang ramai pada masa akan datang.

CAP mencadangkan supaya pihak berkenaan membina tembok atau menanam pokok di lokasi yang terlibat bagi mencegah tebing sungai di sini terus runtuh. Jalan yang mendap serta berlopak perlu ditimbus dan diratakan permukaannya bagi mengelak kejadian yang tidak diingini berlaku dan menjejaskan keselamatan para pengguna jalan tersebut.

Mohideen Abdul Kader

Presiden

Persatuan Pengguna-Pengguna Pulau Pinang